

اجتهاد

Adresse
Idjtihad Constantinople

Téléph: St. 865

1 Avril 1922 — No. 146

حياتی، فلسفی، اجتماعی فکر غزته سی

«اون یدنجی سنه تأسیسیه»

اداره خانه سی
جفال اوغلنده «اجتهاد نوی»

تلفون : استانبول ۸۶۵

نومرو ۱۴۶ — ۱ نيسان ۱۹۲۲

آفایه بی کورمه مک ویا کورمه مک یوزندن وقوعه کلدی.
ودنیانک آرام وانتظامی بوزولدی، جهان قان وکوز
یاشی طوفانسه مستغرق اولدی. اوتوز قرق سنه، دارالفنونلرده
قونفرانسلرده، مکتبلرده تلقین وتعمیم اولونان بیر حرص
ووعم، «ملکة فاکره» بی ضموره اوغراتدی. یتیش
میلونلق بیر آلمانیا، یدی یاشنده برچو جوغک یایامایاجی،
مثلاً آمریقای حربه اشتراک ایتدیرمه مکده کی عظیم فائده سی
کورمه مک کی، چو جو ققلر وحتی بدلالقلر یادی.

اجتهاد

بر توضیح

موسی جارالله افندی بیکیف مقننه

بر زمانلر (علمدار) ده بر ذات عالی طرفندن «دینی مجددلر»
عنوانیله یازیلان مقاله لرده (موسی جارالله افندی بیکیف) ه
واقع اولان بعضی حقسنز تعرضلره جواباً «مجددلر مجتهدی»
دیه بر مقاله یازوب «محفل» مجموعه سنه کوندر مشدم.
بو مقاله نیک - محفل شرائطنه رعایت ایدلدیکندن بحث
ایله - آنجق بر قسمی صاحب مجموعه نیک مطالعه سیله
برابر اون دردنجی نسخه ده درج ایدلدی. اک مهم قسمی
ایسه مسکوت یکیلدی که بو بر قاج سطرله بوقطه بی توضیح
ایتمک ایستیورم:

محفل مجموعه بی صاحبی [... دعوائی اثبات ایچون
موسی افندینک آنجق (خلق نظرینه بر یجه مسئله) سنی
حجت اوله رق کوستریبور] دیدکدن صوکره [او کتابی
وقتیله بنده کور مشدم. خاطر مده قالدیغه کوره
مندرجاتنده او یله فوق العاده ک یوقدی. صوکره
«مسلمانلغک مدار افتخاری و عالم اسلامیتک باش ناجی»
اولدینی ادعا ایدیلن موسی افندی بی بزدن دهیایی
بیلملری لازم کلن روسیه مسلمانلری ده یک او قدر
یوکسکلرده اوچور مایورلردی. تورک، تانار و بلغارلره
داثر ایکی جلد بر تاریخ یازمش اولان قازان علماسندن
شیخ مراد افندی بر قاج سنه اول استانبوله کلدی.
کندیسیله کوروشدیکم زده موسی افندی موضوع بحث

اولمش، شیخ افندی؛ صاحب مقاله نیک ظنی خلافتیه
بیان مطالعه ایله مشدی. [دیپورلر. بز و مجتهدلر
مجتهدی] عنوانی مقاله ده موسی افندی بیکیفک بالکیز
«خلق نظرینه بر یجه مسئله» سنی حجت اوله رق کوسترمک
ایسته مدک. بلغارلرک چالجه یه قدر کلوب خلافت
اسلامیه نیک قابولرنده باطلا تدری طوبلرک قولاقلمزده
عکس ایتدیکی بر قسم خواجهرلریزک بحال س محبتده
لقلقیات ایله وقت کچیردکلری او محشری دقیقه لرده
موسی افندینک عالم اسلامیتده کی انحطاط اسبابی طرفیله
ایضاح ایتدیکی وتنور اسلام ایچون کیجه لی کوندوزلی
چالیشدیغی کوستردکدن باشقا بویوله مجاهده ایدن حقیقی
بر عالمی ده اسلامیتک دائماً تقدیر ایده جکنه: شبه اولمادیغی
بیلدیرمک ایستندک. بونکله برابر مشارالیهک (بیوک
موضوعه اوافق فکرلر)، (اوزون کونلرده روزه)
وداها سائر آثار یله ۱۹۱۷ سنه سنده شریعت اسلامیه
اساسلری یتیش ایکی صحیفه ده جمع ایدلرک نشر ایتدیگی
(شریعت اساسلری) عنوانی اثری موجود ایکن
«محفل» ده دنیلدیکی کی، «خلق نظرینه بر یجه
مسئله» بی «حجت» اوله رق کوسترمک یک غریب
اولور. بوندن بشقه ۱۹۱۷ سنه سنده اوتوزوش میلیون
روسیه مسلمانلری نیک بالانتخاب موسقومه کوندر دکلری
طقوزبوزی متجاوز اسلام مبعوثلری نیک اجتماع یله عقد
اولان (روسیه مسلمانلری قونفره سی) نده موسی جارالله
بیکیف حضرتلری ریاسته انتخاب ایدلش و روسیه
مسلمانلری نیک مقدرات حیاتیه لری موضوع بحث اولورکن
ملت اسلامیه ایچون اجتهدی وشرعی یردیکی قرارلری
قازانده منتشر (بیلدیز)، اوره نبورغده (وقت)،
موسقومه (ایل)، قریمده (ترجمان) و (ملت) کی
تانارجه و تورکجه غزتلر ایله دیگر غزتلرک مفتخر تقدیر
ایتدکلری کورمش و اوقومش اولدیغی کی روسیه مسلمانلری نیک
علمی و ادبی مجلسلرنده بولنه رق «نادر تصادق ایدیلن
بر اسلام علماسی» اولدیغندن بحث ایدلدیکنده شاهد
اولمشمدر. حال بویله ایکن بر شیخ مراد افندینک شخصی
مطالعاه سنک طبیعتیله کأن لم یکن حکمنده قله جفی بدیهیدر.
کله لم اصل مقصده: (دینی مجددلر) مقاله سنده تنقیده

دارالحکمه - خسته باقیی قادیندر

۱۵۲۴ نوسرو ۹ مارت ۱۹۲۲ تاریخلی (وقت) دن عیناً :
جریده علمیه ک صوک نسخه سنده باب مشیختک دارالحکمه به
ویردی بر جوابی ، فقط چوق مهم بر جوانی اوقودم .
دارالحکمه « حقائق دینه و معالی اسلامییه نشر و تعمیم ایله
مکلف » بر دائره در . هان مان اوج سنده در آنفلقان کلید سانسک
اوج ویا دوت سؤالنه جواب ویرمه دیکنه باقیایلم .
اخلاق تشکیلاتنه عائد تشبثی برطرف اولونجه دارالحکمه
تشکیلاتک حیاتده اولدیفنه آنجی بوشریات ایله واقف اولایلر دیکنه ؛
معافیه اوقودیم مهم جواب سزی دارالحکمه ک الی ماشالله
بوش دورمادیفندزه خبردار ایتک اعتبارله قیمتداردر :

دارالحکمه هیئت ۲۶ محرم ۱۳۴۰ ده باب فتوادن صور و بوره :
ارککک تک تداو یسنه مخصوص خسته خانه قوغوشلرند خسته باقییجلی
وظیفه سیله قادینلرک توظیف واستخدام ایدلملری شرعاً جائز میدره ،
دکیلدر ؟

۱۱ صفرده جواب چیقور : « مأله نظر آ خسته رجال اجنبیه
باقیجلیقنده طائفه نسانک استخداملری موافق شرع طالی دکیلدر . »

دارالحکمه ک استفتا شکندن معالاسف خبردار دکاز ،
آنفلقان کلیسای جواننده کی تجربه لره باقورق یکی بر تجربه به
کیرمده ایستمدک . فقط استفتا نه شکده اولورسه اولسون ،
شو جوابک عبارده سنده کی اطلاق ، قادینلرک حقوق و حریتی نامه
بوتون بیلدکلر منی کوکندن صارصیور .

تمی ایدرم که بو کون دارالفنونده اسلامیتده نسانک حقوق
ووظائلی اوزرینه قونفرانس ویرمه ک دارالحکمه اعضاسی سوزینه
شو فتوایی تدقیق ایله باشلا سین .

بی اثر

« کنجلیکمز »

بیامی صفایک بو آدله بیر عکایه نشر ایتدی . محررینک حکایه
نویسلک استمدادنی خبر ویریور ، کنجلمزک سجیه لرند کی انزال
وانهزای اولدقجه کسکین رنگارله تصویر ایدیور . ندیمه خانم
اسمنده برکنج قیز ، ووردم دیوار ، هودوک و بیر قلمده میز اولان
شوق بکله ازدواج ایتیه ، بوخی ، بالخاصه باباسی طرفندن اجبار
ایدیلور . شوق بک ؛ قیزک باباسنک مدبر اولدینی قلمده ، مستقبل
قائیدر طرفندن کتیریلور ، قیزینه طاییتیلور . قیزک سطحجه
معلومات ادبییه وهر حالده ذوق ادیبی وار ، شوق بکک باباسی
محترم بیر اختیار فقط اوغلندن داها کنج : (خیام) دن (حافظ) دن ،
(ندیم) دن واقفانه بحث ایدیور . بوسبیله قائیدو ، مستقبل داماددن
داها سیمپاتیک . ندیمه خانم ، شرف بک اسمنده حساس ، شاعر بیر کنج
مهندس سویور . فقط ندیمه خانمک شوق بکله نکاحی عقد اولوندینی
کونک فرداسنده شرف بک کندیسنی قویوه آماراق انخار ایدیور
شرف بک دخی انزال سجیه ایله معلولدر . طرز اتخارنده بیله

اوضایان موسی جارالله افندی زمانک علمای بنامی
وفضلاهی کرامی طرفندن ده تقدیر ایدلشد . ازجهله :
اوره نبور غده تاتارجه منتشر (وقت) غزنه سنک باش محرری
(فاتح افندی کریموف) ک بالقان حربی انساننده استانبوله
کلیدی زمان مورخ مرحوم مراد بک ، عبدالله جودت بک ،
نکاربخت عثمان و فاطمه علیه خانم افندیلر ک بر چوق
قیمتلی شخصیتلر ایله ملاقاتی نتیجه سنده (استانبول
مکتوبلری) عنوانیه خسته سنه تفرقه و بیده کتاب
خالنده طبع ایتدیکی یازیلر ایجریسنده بالخاصه مرحوم
شیخ الاسلام موسی کاظم و محمود اسمد افندیلرک (موسی
جارالله افندی بیکیف) خسته « عالم اسلامک مدار
افتخاری اولدینی و شمال مسلمانلری آراسنده فدای
جان ایدرجه سنه چالیشوب علمیه ، فکریله اسلامی
یو کسکله کواضر اشان مشارالیه ک حقیقی علمانک وارانیله
افتخار ایدلر کنه و حقنده حس حرمتله متحسس اولدقلمی ،
ذکر ایتلمی نظر دقته وضع ایدرم . []

ایشته (دینی مجددر) مقاله سنک قیمتسز عدو محفل
مجموعه سنک اعتبارسز ظن ایتدیکی موسی جارالله افندی
بیکیفک اهلی غندنده بک یو کسک قیمت و اعتبار صاحبی
بولدینی آرتق آکلاشیلش اولسه کر کدر . بونک
ایچوندک قیمت علمیه حقیقیه سی اهلنجه مصدق و مسلم
بر عالم اولدیفنه شالده هر بر اثری یاقندن تعقیب ایتکله
فاتح بولندیم موسی جارالله افندیلرک بر شیخ مراد
افندی ک تقدیرله قیمتنه خلل کز و فکرآ ، علمآ ، اجتهدآ
اولان قیمتده معارضلرینک یازیلرله اولجولوز .

و . نوری

فاتح کریموف افندی ک ذکر ایتدیکم تاریخده استانبوله اجرا
ایتدیکی مختلف ملاقاتلردن و سوسبیله ایله بحث ایدر کن (عبدالله جودت)
بکک اوکته اید ۱۵ مارت ۱۹۱۳ تاریخله مفدرج اولان شو
سوزلرینی اهمیت عظماسندن دولای بورابه نقل ایتد کچمه جهکم :
« دین عوامک علیدر ، علم خواصک ریدر . خواصک دینی
اولان علم لایقطع پوکسه یور ، کنیشله یور ، ترقی ایدیور .
عوامک علمی اولان دینکده پوکسه سی کنیشلمه سی ، ترقی ایتسی ،
تعالی ایتسی ، سلامت و سعادت عمومیه ایچون لاددر . بو قاعده
کایه بی ملاحظه اساس طونارق اسلامک نجاتی چاره سی شو
صورته اجمال ایدرم : دینه قیمت علمیه ، علمه قدرت دینه
افاضه ایتک . »